


Kumtluang

BU NGANA



Pawl-V Mizo

MI HLAHTLING I NI THEI ASIN

Mihring pangngai zingah hian mi ropui leh mi hlawhtling nih duh lo kan awm kher awm lo ve. Eng vangin nge kan nu leh paten lehkhah zir hram hram tura min fuih ðhina, eng vangin nge kan zirna atan pawisa te an sêna, hah pawh sawi thei lova rim taka hna an thawh ðhin kan tih chuan, an fate hi mi ropui tak ni turin min duh a, thiamna sang tak nei sela min ti a, an faten hlawhtlinna kan neih theih nan hrehawm pawh pawisa lovin kan tan ni tin an thawk ðhin a ni.

Chutianga mi ropui leh hlawhtling ni tura kan chhungte leh kan nu leh paten min beisei mêk lai chuan keini hian eng nge tih tur kan neih ve le? Kan nu leh pate beiseina tihlawhtling tur chuan mawhpurhna sâng tak kan nei tih hi kan ngaihtuah ve ngai em? Mi hlawhtling kan tih te, mi ropui kan tih te hi engtianga lo hlawhtling a, engtianga lo ropui mai nge an nih tih hi kan ngaihtuah ve a ngai a. Hlawhtlinna tlang chhip hi awlsam taka lawn chhuah theih a ni lo tih kan hriat reng a pawimawh êm êm a ni.

Harsatna leh manganna te, lungngaihna leh ðahna te pal tlang phawt loh chuan hlawhtlinna hi a hlawh chhuah ngawt theih loh va. Anmahni kawng zawh ðeuhva mi ropui leh hlawhtling kan tihte hian hrehawm tam tak an pal tlang a, thil beidawnthlâk tak tak an tawn châng pawh a tam hle ðhin. Chutiang hun harsain a tlakbuak châng pawha beidawng duh miah lo, tumruhna nena hma lam pan lui hram hramte chuan a tawpah hlawhtlinna an chang a, an tumruhna zarah mi chung a leng an lo ni theih chauh ðhin a ni.

Khawvela thu ziaik thiam ropui ber pawl, Pearl S. Buck-i chuan a thawnthu ziah ‘The Good Earth’ tih chu chhuahsaktu tur a zawng a, tu mahin an chhuahsak duh tlat lo va, beidawng duh hauh lovin chhuahsaktu tur chu a zawng zel a, kum sawmpali chhung zet chhuahsaktu tur a zawn hnua a hlawhtling ve hram a. Chhuahsaktu a han hmuh zet chuan a chhuah kum la lain a lehkhahu chu bu maktaduai chuang an hralh hman a. ðawng chi hrang sawmthum chuang zeta lehlin zu han ni a! Amah lah chuan ziaik mite chawimawina sang chi hrang hrang a dawng zut zut mai baw a.

Beidawng duh hauh lova a beihna chuan mi ropui a siam a, a tumruhna avang chuan khawvelah a hming a lo thang ta êm êm mai a ni. Mi beidawng hma, tumruhna nei lo mi chu ni sela khawvelah hian a hming a thang hauh lo vang le! Mi ropuiten hlawhtlinna nei tura an lo beih dan chu chutiang chu a ni a. Thawh rim leh taima, mi tumruh leh mi huaisente hi Pathianin mal a sawm ðhin a, beidawng duh lova an tih hram hramna leh an tumruhna chuan malsawmna ropui tak a rawn thlen mai ðhin a ni.

Thu ziaik thiam hmingthang Charles Dickens-a pawh kha, a thu ziah chanchinbua chhuah tura a pek, chanchinbu lamin an lo chhuahsak duh loh kha saiip khat a khawh hman an ti. Mahse, a beidawng duh lo va, a ziaik zel a, chhuah turin a theh lut ve zel a, an lo chhuahsak duh loh pawhin a tumruhna chu a tla hniam chuang lo va, a tawpah chuan khawvela thu ziaik thiam lar leh ropui ber pawl a lo ni thei ta mai a ni.

Hlawhtlinna leh ropuina hi awlsam têa neih mai theih a ni lo va. Kawng harsa tak zawh chhuah phawt a ngai ðhin. Chutiang kawng harsa kal tlang a ngaih changa kal tlang peih lo, tawpsan mai mi emaw, a hêlna zawng mai mi emaw tan chuan hlawhtlinna hi a awm tak tak thei lo va, tumruh taka kal lui hram hramte thlen phâk ang chu an tan thlen ve ngaihna a awm ngai lo.

Mi pakhat chu chhungkaw rethei takah a lo piang a. Sikul ðhaah pawh a lut phak lo va, thingtlang sikul naranah lehkhah a zir ve mai mai a. An chhungkaw retheihna avangin sikul kal chung a inhlawh a ngaih chang

a awm a, hrehawm tam tak a tuar thin. A chung a harsatna tam tak lo thleng thin chu huaisen leh tumruh takin a hmachhawn zel a. A theih tawpin lehkhaw a zir sauh sauh va. Mangan chang leh tah chang te pawh nei thin mah se, huaisen takin hma lam a pan zel a, a tawpah chuan scientist ropui tak a lo ni ta a ni.

Chu pa chu khawvela ram ropui bera chhal ngam USA-ah scientist a ni a, lirnghing chanchin zirna lama thiamna sang bik neien, mi ngaih san a hlawh em em a. Thla khata a sum lak luh chu tam tham tak a ni. Chutiang mi hlawhtling leh ropui chu Mizopa ngei, Lalliana Mualchin a ni. A vanneih vanga scientist ni ta ringawt a ni lo va, a tumruh leh taihmak vang liau liauva scientist ni thei chauh a ni.

Malsawmna leh vanneihna kan tih hi Pathian hnen atanga awlsam taka dawn inbeisei ngawt chi a ni lo va, taihmakna leh tumruhna nen, harsatna tam tak pal tlang hnua dawn theih chauh a ni tih kan hriat reng a pawimawh em em a. Kan zirlaiah leh kan thil tihna kawng hrang hrangah, malsawmna dawng tlaka kan thawh rim a, tumruhna kan neih tlat chuan hlawhtlinna leh ropuina hi tu pawh hian kan nei thei vek a. Mi rethei ber leh rilru chak lo berte pawh kan thawh rimna leh kan tumruhnain a tlin phawt chuan mi ropui tak kan ni thei vek a ni.

Thu pawimawhte

beidawnthlak chhuk chho tumruhna

hlawhtlinna taihmakna tawpsan

thawh rimna vanneihna diriamna

TIH TURTE

1. Heng zawhnate hi chhang teh.

(a) Eng vangin nge nu leh paten lehkhaw zir hrâm hrâm turin an fate an fuih thin?

(aw) Hlawhtlinna hlawn chhuak turin eng thilte nge pal tlang ngai?

(b) Pathianin mal a sawm thinte kha eng ang mite nge ni?

(ch) Pearl S. Buck-i kha engtin nge khawvelah a hming a lo than tak em em?

2. In zirlaiin Charles Dickens-a mi ropui a lo nih theih dan a sawi kha han sawi teh.

3. In zirlai bua mi ni lo mi hlawhtling i hriat pakhat hming sawi la, a lo hlawnthlin chhoh dan han sawi bawh teh.

4. Heng a hnuaia thute hmang hian sentence han siam teh.

(a) zut zut (aw) sauh sauh (b) hrâm hrâm

(ch) ngawih ngawih (d) liau liau

5. I puitlin huna nih i tum sawi la, chumi ni thei tura i tih tur nia i hriat han sawi teh.

6. Heng a hnuaia thute hi a awmzia han sawi fiah teh.

(a) hlawnthlinna tlang chhip

(aw) lungngaihna leh tahna

(b) mi chung a lêng

(ch) chhuk chho

(d) tumruh

7. A hnuiaia column ‘A’ leh ‘AW’-a mite hi a inmil thai zawm rawh.

A AW

Charles Dickens lirnghing

Lalliana Mualchin thu ziaak thiam hmingthang

Pearl S. Buck tumruhna leh taihmakna

Mi ropui The Good Earth

8. Group Work

Group hrang hrang paliah inthen ula, group tinin mi ropui in tih pakhat theuh chanchin sawi ula, chung in sawi zinga ropui in tih ber leh a chhan han sawi ho teh u.

9. Project

In veng a mi hlawhtling pakhat chanchin in nu leh pate zawt ula, a chanchin chu han ziaak chhuak teh u. Amah emaw, a chhûngte emaw hnen aţangin a chanchin zawt chianh se. Report a ziaak chu class hmaah chhiar chhuak se.

Table of Contents

1. [ZIRLAI 23](#)
2. [MI HLAHTLING I NI THEI ASIN](#)
 1. [TIH TURTE](#)